

Bot Vietnam ceroboh perairan negara dilupus

BH 2/10/2022 ms: 16

Kuala Terengganu: Agensi Penguatkuasaan Maritim Malaysia (Maritim Malaysia) melupuskan sebuah bot nelayan Vietnam yang dilucut hak atas kesalahan mence-robah dan menangkap ikan di pera-iran negara.

Timbalan Pengarah Operasi Maritim Terengganu, Komander Maritim Ariffin Ghazali, berkata pelupusan dengan kaedah hancur musnah itu dilaksanakan berikutan bot berkenaan tidak sesuai dijadi-kan tukun tiruan.

Beliau berkata, bot dilupus-kan itu ditahan pada kedudu-kan 112 batu nautika dari Kuala Terengganu pada 17 Julai 2021 bersama dua kru kerana mence-robah perairan dan mencandat

sotong tanpa kebenaran.

“Tindakan pelupusan diambil ke atas bot nelayan asing warga Vietnam yang menceroboh pera-iran negara mengikut Seksyen 15(1) (a) Akta Perikanan 1985 kerana menangkap ikan tanpa kebenaran Ketua Pengarah Perikanan Ma-laysia,” katanya dalam kenyataan, di sini.

Ariffin berkata, setakat tahun ini, 21 vesel dilupuskan dengan cara penenggelaman untuk dijadi-kan tukun dan hancur musnah.

Katanya, Maritim Malaysia sentiasa tegas melaksanakan undang-undang di perairan Tereng-ganu khususnya memastikan sum-ber perikanan dapat dilindungi dan kedaulatan negara terpelihara.